



大明英宗睿皇帝實錄

廢帝郝度王附錄第七十二

景泰六年閏六月乙巳朔

太上皇帝居南宮

命故守備廣東雷廉等處都指揮僉事陳惠子昭襲  
為陸安衛指揮使 四川按察司僉事劉福奏保  
瀘州知州賀讓富順等八縣知縣李真等俱堪陞  
調又保為事知縣劉原改任別縣吏科劾其徇情  
濫舉不諳憲体請下巡按御史治罪從之

丙午

南京監察御史苗穉言臣見南直隸府州縣衛所  
問刑官不問罪之輕重一槩監禁有一年不決者  
有半年不理者乞通移文在外問刑衙門今後真犯  
死罪監禁外其餘輕重罪囚不許久禁照舊例大  
事五日小事三日不與決斷者聽受禁之赴巡撫  
令巡按等官伸告則囚犯不致淹禁而囹圄空虛矣  
詔從之

戊申六月廿六日

陞禮科左給事中楊燧為本科都給事中 賜遼  
大府松滋王庶弟鎮國將軍豪堞夫人秦氏及第二

妹臨武縣主儀賓杜通第三妹邵陽縣主儀賓陽  
伯川

誥命冠服鞍馬等物 周王子虛昨城王子壻各奏  
以受冊封歆親赴闕誠懇復書止之 保安王公  
鍊奏母何氏患風疾求賜藥餌 帝命太醫院依方給之

已酉

設四川瀘縣守禦千戶所摘成都後衛右千戶所  
官軍實之先是左副都御史寇深董卜韓胡文蓄  
異志而瀘縣實當其衝宜築城置守以防未然事

下兵部移文四川巡撫及三司議以為故宜有是  
命軍機處議及五國體州文等處並下詳於文等  
庚戌 巡按廣西監察御史沈琮等奏湖廣武岡州楊峒  
等寨首賊楊通秀等糾率夷類越境屢於全州及  
西延巡檢司地方殺掠為民患把哨都指揮秦敏  
哨守西延都指揮李敬等不能防禦乞治其罪詔  
姑不問移文總督等官廉察敏等失機事實及賊  
情如何從實具奏處置  
辛亥

廣東高要新會二縣撫徭人謝守信徭首朱亞回  
等未朝貢方物賜綵幣紗絹有差 易午門朝鍾  
舊鍾無故忽失聲故易之也 降福建按察司楊  
珏為湖廣黃州府知府浙江道監察御史練綱為  
陝西西安府邠州判官綱巡按福建與珏不相能  
珏乘轎道過綱不避綱憾之由是互相詆訐珏奏  
綱應科舉時懷挾文字及巡按又與鹽運使史潛  
賂賄交通以求人保陞都御史綱奏珏額外濫設  
皂隸役占馬夫納月錢俱下獄法司言綱珏奏詞  
俱偽坐贖還職

帝以綱等有乖憲体俱降之

壬子

調吏科給事中盧祥為山西平陽蒲州判官初祥  
勅吏部左侍郎項文曜檢邪譎詐愚弄尚書王直  
嘗以私注其鄉人為直隸行唐縣丞適舊任縣丞  
未滿復以注福建沙縣二邑皆豐富及滕隴奏陞  
坐事御史張瀾為叅議丁憂御史項璠為副使專  
擅蠹壞選法下多官按其狀文曜亦訐詳嘗囑已  
欲陞本科都給事中及左右給事中俱不從乃挾  
私陷害并訴奏陞二御史時悉同尚書直無滕隴

狀乃命并執祥按之刑部及多官坐文曜贖杖祥  
贖徒俱還職詔以文曜未免有私其姑宥之祥戕  
近侍乃挾詐妄奏令贖既調用于外已而十三道  
御史張瑩等復上疏言廷鞫時文曜嘗面訐禮部  
右侍郎姚夔為祥囑直等求陞左右給事中法司  
乃黨比不奏及恐御史等執法不從不令預議因  
乞自今凡廷鞫罪因宜會內閣大臣并六科十三  
道庶幾奸黨不致欺蔽而刑罰得以適中詔文曜  
等事既已處之姑置不問但今後凡多官議事俱  
會內閣及六科十三道鑄給四川都司新設灌

縣守禦千戶銅印一顆百戶所銅印十顆印夜巡  
銅牌五面江川王徽熅奏冠服年久朽敝保安  
王公鍊奏原賜織金常服窄短不堪用命工部造  
辦仍命各先給大紅織金袞龍紵絲紗羅各一疋  
少傅兼太子太師吏部尚書王直少傅兼太子太  
師禮部尚書胡濙任滿六載俱命復職羊酒勞之  
癸丑 賜永壽王第四子鎮國將軍公鏞并鎮國將軍志  
瑋弟三子輔國將軍公銘誥命冠服等物交城  
王美垸奏舊賜冕服并皮弁服損壞乞賜新服命

工部製與之

甲寅

陞四川布政司右叅政何瑄為左叅政監察御史  
顧睢為福建按察司副使汪琰為山東按察司副  
使周文盛為四川按察司副使余泰為廣東按察  
司僉事復除山西布政司右叅政李貴于四川布  
政司以親喪服闋也 總督兩廣軍務太監班祐  
奏湖廣武岡州黃蓬峒攔等寨苗賊往往越境流  
劫廣西全州地方比及調軍剿殺則奔避巖壑官  
軍一退旋復出沒以致經年累月軍士疲於守哨

欲令湖廣總兵官及守備武岡參將等官量率士  
馬與臣等剋期會合勦捕盡絕從之 巡按直隸  
監察御史楊紹奏工部左侍郎趙榮總督主事劉  
善指揮王玉修蓋通州倉廩日久弗成軍匠勞苦  
當究其罪 帝宥榮罪餘命刑部鞠之 董卜韓胡宣慰使司都  
指揮使克羅俄監繫死提督松潘兵備刑部左侍  
郎羅綺等以聞少保無尚書于謙等言克羅俄監  
繫譎詐今稱病死未可遽信宜再移文綺遣人  
察虛實否從之

乙卯

命故陝西行都指揮僉事馬馴子麟襲為甘州左  
衛指揮使設湖廣襄陽府房縣撫民縣丞一員以  
地曠山多逃民所聚故也 西城坊草場火 提  
督山海等處閩右副都御史李賓以虛報達賊聲  
息陳情服罪詔姑宥之再犯不宥 丙辰賜靈丘王第四子名曰仕墻第五子名曰仕  
墻烏思歲南林叱寺刺麻族克美失貢舍利賜宴  
并綵幣等物

戊午

禮部右侍郎兼詹事府少詹事薩琦奏臣近因庶  
母鄭氏在家患病臣止有一子文昌遣歸侍奉湯  
藥不幸相繼皆故憂愁痛切情不能堪况臣年老  
鰥居內無伯叔子姪強近之親外無經營喪葬可  
倚之人且庶人母有暮年之服乞容臣給假還家  
安葬從之

己未命

命故廣東都指揮僉事王璿子源龍為廣州右衛  
指揮使 點貴州按察司僉事王貫為民貫以公  
幹至普安州 科斂白金等物為巡按御史伍星

會所劾覆治有驗故點之 昏刺金火二星俱入  
太微垣右掖門

壬戌

給慶府甘泉郡主并儀賓路星歲祿八百石內米  
五百石折鈔三百石 廣西博白縣徭首陳應文  
等來朝貢方物賜鈔絹有差

癸亥

命故遼東都司都指揮僉事文廣子寧龍為都指  
揮同知于本司帶俸以廣戰沒故也

甲子



調金吾左衛帶俸指揮僉事王喜於永清右衛治  
事  
乙丑  
命故江西都司都指揮使楊真子隆襲為袁州衛  
指揮使  
丙寅  
太子太保兼兵部尚書石璞自陳老衰無為乞放  
歸田里

帝曰兵部軍政至繁卿協理其事不必以年老辭退  
提督倒馬等關右僉都御史彭誼奏守備都指揮

僉事胡璽明知所部官軍逃歸不行執問似有受  
賂之狀宜下巡閱御史究治從之  
卯時日生背  
氣一道未久漸散

丁卯  
五府六部侯伯駙馬都督等官寧陽侯陳懋等一  
百八十二人以陰雨失朝鴻臚等等衙門請治其  
罪

帝悉宥之  
太子太保兼刑部尚書俞士悅奏近見  
福建各府草寇竊發臣惟福建僻在一隅邊臨大  
海隔遠京師人多梗化往至厘王師雖渠魁授首

而遺類尚存人被驚擾乞勅在廷重臣一人往彼  
巡撫庶幾民心有所倚仗盜賊不致滋蔓事下廷  
臣集議少傅兼太子太師吏部尚書王直等議曰  
廷臣巡撫本非定制通者朝廷以福建年穀稍登  
民頗寧息已徵回京今雖有小寇宜督責三司禁  
捕在六帝曰卿等議是朝廷設三司府縣衛政正欲安民楚盜  
今小寇未除寔彼之責其移文詰之令盡心撫安  
軍民殄除寇盜非有大事不許輕遣廷臣遣太  
保寧陽侯陳懋告于

昊天上帝 厚土皇地祇曰某不德災及群黎禾稼  
在田遭連淫兩仰惟 洪造憫念民艱大布陽光  
俾諧豐獲遣各衙門官遍禱各廟神祇

庚午 湖廣散毛宣撫司遣把事王彪貢馬  
命工部脩宛平閘以水漲堤決故也

辛未 免在京各營及順天府寄養倒失馬以水災寬恤  
之 吏部考功司帶俸郎中黃采奏臣任滿三載  
例得封贈父母臣父淮任少保嘗受誥命并封臣

嫡母楊氏為夫人令臣生母李氏年七十一老病  
俺俺乞賜誥命推封并及臣妻從之

壬申京各營又郎天育等奏國兵調以不火等四  
調右軍署都督同知馮宗於後軍督府視事

令吏科都給事中李瓚等言五事

一各處所保儒士或藉倚父兄之勢而膺薦或私  
通賄賂而得舉既非殊才驟致美職乞暫停止今  
後務須嚴加考試不中者罰連舉主則人知廉恥  
而奔競少息

吳王天下大小官考滿起復省祭等項到部其間多  
有不諳行移老病不堪任事乞勅吏部每一月或  
兩月通類選考從公黜放則人才不致壅塞

一曩因鈔法不通鹽法阻壞故於泊舡處所產鹽  
地方差官專監收料鈔巡察私鹽近年各處水旱  
相仍人民困苦差去官供給浩費且以一處言之  
有巡撫鎮守官又有三司分巡官既有巡按巡鹽  
御史又有巡河清軍捕盜御史有倉者既令官收  
糧行舡者又設官收鈔是張秋水利未成羣官  
咸集若不減省民實不堪乞取回前項差去官其  
巡按者兼管巡鹽清軍巡河者兼管捕盜其餘可

兼其事者從宜斟酌停止庶免官多民擾之患  
一京師天下之根本近因大興宛平縣奏連年  
買辦物料供用不給欲將京城內外開張舖店之  
家逐一照依所賣物貨名色報官聽候買辦見差  
給事中御史等官在外清查類冊臣等近見天雨  
連綿房屋傾圮物貨蕭條人民艱食若不存恤實  
不安寧乞移文順天府仍照先年措置買辦事例  
供用將見差官取回候豐稔之時再為區處庶可  
以安人心而固國本也

一南北二監監生不下萬餘人有因事故而漸衰  
老有因患病而成廢篤若不聽其自陳愈加淹滯  
乞令二監坐堂并各衙門歷事監生果有老疾及  
取用未到願告寧家者聽其各處丁憂依親等項  
在家不願到京者宜從有司具實奏聞就彼放免  
如此則廩祿不至虛糜矣

帝曰朕覽爾等所言多有理俱從其請 戶部上寬  
恤減省事宜

一京城內外被水滄沒軍民既發倉賑濟矣而順  
天并北直隸等府軍民被災者請移文諸府各遣  
堂上官二人勘實撫恤安插賑濟毋令轉徙失所

一兵部所選各營頭撥二撥官軍既支本等俸糧  
行糧又奏添與月糧每月或一斗或五升列營坐  
食未効勞動况今各處災傷軍民遠運或恐不繼  
請預為樽節止支本等俸糧其月糧有警調用別為  
處置

一各處看倉海子種菜種藍養牛跟官諸項軍人  
月支米一石既不操練別無重難差發請月減二  
斗以備缺乏

一浙江嘉興并直隸蘇常等府供用白糧納欠數  
多已嘗奏擬追糧完日建問今各府災傷特甚而

糧米陸續納完宜免問以甦民力

帝采納焉

癸酉

命故陝西都指揮僉事王信子英巖為西安後衛  
指揮使

命給事中監察御史工部官督五城兵馬疏濬京城  
溝渠六巡撫江西右僉都御史韓雍奏所轄諸府  
歲歉民飢已發廩賑濟候秋成償官是月江西  
九江南康山東濟南兗州青州山西平陽陝西鞏  
昌臨洮諸府奏階州各奏數月不雨直隸真定永

平河間廣平大名河南開封衛輝雲南大理諸府  
各奏淫雨水泛傷民稼穡租稅無徵事下戶部命  
所司覆視以聞順天府所屬各奏猛風暴雨連日  
不止木拔河決壞民廬舍禾稼命戶部遣官賑卹  
命諭中書察賑恤工部言督五府兵備賑恤  
命特勅西番計縣會章王計米英籍為西番計  
癸酉  
大明英宗睿皇帝實錄

大明英宗睿皇帝實錄  
癸酉  
廢帝郝戾王附錄第七十四  
景泰六年秋七月甲申朔  
太上皇帝居南宮  
帝享  
太廟遣中官祭司門之神  
給慶成王府鎮國將軍  
鍾鏘歲祿一千石米鈔中半兼支  
以平陽府廢倉并地分賜交成陽曲西河三王從王請也  
命故前軍都督同知宮聚子恒襲為永清右衛指揮

揮使 陞浙江都司經歷 延祥為嘉興府知府 從  
鎮守尚書孫原貞等官奏保其有通敏之才也

勅諭少保兼太子太保戶部尚書文淵閣大學士陳  
循少保兼太子太傅工部尚書東閣大學士高穀  
少保兼吏部尚書東閣大學士王文太子少師兼  
戶部右侍郎翰林院學士蕭鏞兵部左侍郎翰林  
院學士兼左春坊大學士商輅曰朕惟古昔帝王  
盛德大功載諸典謨訓誥誓命之文春秋二百四  
十二年之事著於孔子褒貶之書足為鑒者不可  
尚矣自周威烈王至梁唐晉漢周五代事書於朱

文公通鑑綱目亦天下後世之公論所在不可泯  
也朕嘗三復有得於心獨宋元所紀竊有歎焉卿  
等其倣文公例編纂上接通鑑綱目共為一書以  
備觀覽應編纂官屬仍推勤敏有學識者具官職  
名以聞其尚精審毋忽循等推舉左春坊大學士  
兼翰林院侍讀彭時右春坊大學士兼翰林院侍  
講劉儼翰林院侍講學士兼右春坊右中允呂原  
翰林院侍講學士兼左春坊左中允倪謙司經局  
洗馬兼翰林院脩撰李紹春坊贊善兼翰林院檢  
討錢溥詹事府府丞李侃李齡順天府治中劉實

兵部主事章陔中書舍人兼司經局正字劉鉞國  
子監博士陳淮南京通政使司叅議丁澄南京尚  
寶司司丞宋懷南京刑部主事張和南京工部主  
事劉昌南京國子監學錄蕭士高湖廣蘄州知州  
金銑浙江仁和縣學教諭聶大任俱堪任編纂從  
之  
鎮守遼東太監宋之毅奏廣寧操備都指揮高飛  
等年已六十例應代職然在邊年久深知虜情尚  
能被堅執銑乞不拘常例仍留操守從之  
巡按  
直隸監察御史吳中奏閏六月朔保定府束鹿縣

大風拔木迅雷雹如雞子擊死烏鵲狐兔無算本  
月中順天府霸州永清大城文安等縣暴風驟雨  
漂溺民居滄沒禾稼河間永平等處水患尤甚命  
戶部覆視之

築沙灣決口成沙灣之決每十年至是黃河南流  
入淮左僉都御史徐有貞始克奏功凡費木鉄竹  
石等物累數萬計工五百五十五日

帝以河道雖完尚恐未堅命有貞明年春仍往視之

丙子

陞尚寶司司丞楊導為本司右少卿以九載任滿



也尚巡撫淮安等處左副都御史王鉉奏直隸淮  
安府邳州海州睢寧山陽縣鳳陽府宿州蝗巡撫  
山東刑部尚書薛希理亦奏東昌兗州濟南三府  
平山濟南二衛蝗  
仁孝天皇帝忌辰遣官祭  
興湖州三府拖欠藥味等料以水旱相仍生民飢  
窘也給事中徐正言今各處所收夏麥及商賈販  
糶米黃米皆為造酒之費淮濟間歲造麴百十萬  
臨清通州及都城造酒之家不下千萬家一家日

費米一石萬家日費米萬石積而論之為費實多  
今一切禁之恐不能及可重權其稅令少自止息  
則米麥不耗矣又言都城附郭廩荒田不下千萬餘  
頃而操備官軍皆坐食可分屯以省轉運又言錢  
為國家利柄多則物貴可收斂之少則物賤可增  
鑄之如此則物價常平而朝廷享其利奏入命諸  
司議行之  
金星晝見于未位  
戊寅  
給靖江王府故奉國將軍佐茂官眷歲祿四百石  
米鈔中半兼支免錦衣衛將軍旗校等所負官馬

以水災也。監察御史倪敬等言自古有聖賢之君必有忠諫之臣然後能成德業之大而致治道之隆。近年以來天時失調災異迭見今年閏六月間雨水霖霖動經半月傾頽墻屋滄沒禾稼軍民艱難愁嘆盈于道路。臣等切思天時之不調由人事之不修。近聞各部都察院寺衙門累陳戒省等事中間舉行者少不行者多是以迨今天時尚未開霽人心尚未釋然。臣等恐事陛下任用之意謹直陳所見。

上聞伏望宥臣等狂妄奮振果斷舉而行之無安於故常而憚於難為。所以省修感天者有其實將見天心應而陰陽和五熟穀而人民育矣。請以事之當止者言之。府庫之財皆取於民不宜濫予身遊觀之事有妨治道不可無節。曩因齋僧累出內藏之金易米供給緣京師米價騰貴不免靠損下民且僧人異端惑衆非真能興禍作福况其不耕而食不蚕而衣既無征科又無徭役顧乃厚之如共則遐陬遠漠擲風沐雨之窮軍荒年數歲趨事服役之饑民又將何以濟之手近聞起造燕室龍舟遊宴之事頗多木石米糧之費不少且遊宴歡樂

人主為之似不為過但非所以保養

聖躬隆盛聖德之道伏望

皇上罷齋僧之費節遊宴之樂凡一應土木工作悉皆停止上念

祖宗創立之艱下思小民饑寒之苦則

聖德日新聖躬萬福奏下禮部議近日雨水過多米糧艱貴御史所言蓋欲搏節以裕國用亦忠愛之意乞

皇上少留睿念

帝曰朕已知之安塞王秋昊以賜葬禮畢俱奏欵

詣闕謝恩復書止之太子太傅兼吏部左侍郎

俞山以父病乞還鄉療治許之仍命有司歲給米

十石

順天府宛平縣奏景泰元年虜寇未靖人民驚移

招令復業曾支給通州倉糧賑濟給之家既已償

納內九百四十餘石皆貧難小戶責令秋成償官

今又彼災請暫傳徼

帝曰歲既無收姑宜寬恤夜月犯氐宿西南星

庚辰

命都察院右僉都御史徐有貞整理本院事以修

理河道還京故也

兵科奏先因虜寇犯邊選在京

武職子弟一家或二三名或三四五名各支月糧

四斗今邊務稍寧乞為踈於以省糧儲并起取各

處附籍人丁遠者萬餘里近者數千里止遇旱澇

時月路途艱窘乞為停解以甦民困從之

永平衛指揮使朱信奏久雨深河溢壞城垣及漂

沒軍民房屋須畜米穀無筭詔巡撫右副都御史

李賓巡視具處置以聞命修大寧都司茂山衛

城以本衛指揮同知馮清奏久雨城圯故也萬

全都司都指揮同知梁泰索部軍銀兩及開種荒

地不納稅糧事覺都察院請下巡按御史問罪從

之

辛巳

刑科給事中徐正有罪請戍邊正素邪慝無學識

徃徃倩人代具奏草條陳時政掩為己能覲得重

用先是與冠帶軍餘汪祥謀密奏請

帝御便殿言機事

帝亟召入請屏左右乃言

太上皇帝臨御日久威德在人沂王常位儲副皆天

下臣民所仰戴不宜居于南宮宜遷置所封之地

以絕人望別選宗室親王之子育于宮中  
帝聞之驚愕大怒指正曰當死當死即叱出之命調  
為雲南臨安衛經歷然怒猶不解欲明正其罪又  
慮駭衆乃遣人伺察之正留戀淫婦家久不行遂  
下錦衣衛獄至是復謫充遼東鉄嶺衛軍省管  
徂徠等處泉源主事時各處饑饉恐官多擾民故  
也

壬午

雲南灣甸等州遣頭目刀索孟等并廣東新會縣  
耑首鄧鉞等俱來朝貢馬及方物賜鈔絲幣表裏

紵絲絹襲衣等物有差 調浙江處州衛帶俸都  
指揮同知余春于本都司專督屯田事 直隸無  
錫縣學生張賢先以納馬賜冠帶今復納麥八百  
石乞送監讀書從之

癸未

陞河南布政司右叅政王槩為河南按察司按察  
司按察使復除廣西布政司右叅政曾暉於河南  
布政司尚寶司司丞楊壽仍南京四川道監察御  
史戈立於南京廣東道以親喪服闋也 賜雲丘  
王美瑁織金袞龍袍服以王奏舊領袍服敝壞不

堪用故也

甲申

擢監生俞誥為工科給事中誥太子少傅兼吏部左侍郎山之子也代府安塞王秩是奏臣年十一而父薨十五而母薨俱殯塋韋州地方相去三百餘里自歸塋之後不得親行拜掃於心歎然每思父母之思心摧肝裂不能自已乞暫詣墳所祭掃少伸悲慕之情不允禮科都給事中楊樞等奏朝廷設置國子監所以作養天下英才以備任用非特為縉紳之家膏梁子弟而設也近年以來

有以祖父曾任在京官員今勢去財乏無所容身既無科舉之才又無歲貢之路輒便陳情乞恩送監讀書及至進監義理之不知句讀之不明坐堂未久復黃緣請託馮本歷事受官罔知稼穡之艱<sup>難</sup>政治之當務卒以取敗者多矣玷辱儒風莫此為甚乞勅所司今後大臣果有功德於民出身特恩遣其子弟入監者勿論其餘但有陳情乞恩入監者治之以罪如此則人才有進用之實國學無虛育之名從之巡撫淮安等處左副都御史王竑奏近因各處災傷勅臣設法撫安賑卹已賑給過

直隸淮安等四府和滁二州并直隸蘆十八口共  
糧二十二萬一千八百二十四石有奇

乙酉

賞工部營繕司主事孔詡山東布政參議陳雲鵬  
按察司僉事陳蘭及同知等官張方等一十五人  
各絹二匹鈔三百貫以脩治沙灣河道功也

丙戌

賜提督松藩兵備刑部左侍郎羅綺誥命并封贈  
其祖父母父母妻綺先任大理寺丞生事謫戍邊  
後以少保于謙等奏保復任累陞是職以前過例

不得誥命至是綺以為請

帝念其在邊日久特賜之

命脩直隸容城縣白溝河杜村口及固安縣楊家等  
口决隄河南布政司左參議高信以老疾乞致

仕從之

丁亥

命各邊關總兵等官脩理城垣壕塹屯堡墩臺  
鎮守甘肅太監蒙泰奏撒馬兒罕地方使臣言亦  
力把里也咩力火者王領人馬來劫哈密兵部議  
哈密與甘肅為隣竊恐虜擾邊境乞移甘肅及沿

邊總兵官晝夜密切哨探以備不測之虞  
戊子里山和武大皆王爵入馬來時命各兵將  
中元節遣官祭  
長陵各處  
獻陵  
景陵  
戶部奏近以天時淫雨車脚不通米價翔踊  
廷臣建議請在京官軍俸糧俱于京倉預闕兩月  
矣今通州倉庾復充各處運至若無處收受司出  
納者復請官軍九月十月分俸糧更于通州預支  
二月宜從所擬從之

提督宣府軍務右僉都御史李秉奏直隸隆慶衛  
原撥土木榆林二驛擺站軍士月糧有室家者給  
八斗無者六斗而原衛月糧或有重報冒給者此  
等軍士走避之外既無別差又不出戰請從樽者  
照口外站軍例有室家者給六斗無者四斗五升  
俱於附近懷來倉闕支原衛月糧明白開除不許  
重冒其家口畏懼邊城不肯隨住者如例發遣從  
之  
之  
行近濁

庚寅

京師



勅南京守備及五府六部等衙門官曰朕惟自古災  
祥皆由乎人事得失所致南京實朕

祖宗肇迹之地其重與京師等庶府百司設置惟一  
既命爾等分任其職則凡所以致災祥者厥有攸  
歸近聞所在災異荐臻或水旱相仍或饑疫競起  
火盜累作人用怨咨爾等安能辭其責乎茲特勅  
爾等各務修省改弭毋苟祿以怠政毋臨事以乖  
方毋避患以偷安毋徇情以壞法毋假公以私已  
毋恃勢以凌人并以朕言通諭爾屬一體奉戒備  
職庶以共回天心爾等其慎之勉之 巡撫貴州

副都御史蔣琳奏都指揮僉事魏英初受操軍賂  
私放之歸後惧事發妄稱其在逃宜循例發英立  
功詔以逃軍不及數姑姑宥之

辛卯

皇太宗文皇帝忌辰遣官祭

長陵免順天府文安縣景泰六年年被災秋糧四千  
八百一十餘石

壬辰

雲南水邦軍民宣慰使司土官宣慰使罕落法任  
守孟定地方土官宣慰使弟罕郭法遣頭目刀邦

悶等未朝貢馬及金銀器皿等物賜鈔綵幣表裏  
紵絲襲衣等物仍命刀邦悶等齋勅并綵幣表裏  
歸賜其土官及妻

癸巳

賜南和伯方瑛誥券贈封其曾祖父母祖父母父  
母妻又以武岡州東偏執塘為江川王劉煥縣主  
第從王奏請也

命南京并各布政司官吏人等雜犯死罪并流罪以  
下並免解京詳審就彼照例納米徑發為民以四  
方水旱荐臻從文淵閣大學士陳循請也

甲午

命南京浙江等道試監察御史程景雲陳琳黃瑾  
康麟高宗本史瓘熊俊徐毅徐宗李益胡德盛王  
春曾清俱實授監察御史先是景雲等以吏部考  
選為試御史至是理刑一年本院考稱故有是命  
戶部先奏准在京法司并北直隸囚犯運米贖罪  
例則永平山海一帶關塞城堡官吏軍民于喜峯  
口倉上納保定真定順德府衛所屬于倒馬關倉  
上納河間大名廣平府衛所屬并順天府霸等州  
縣於紫荆關上納其後歲歉米貴逋負連年至是

巡按監察御史吳中以為言命減其則例雜犯死  
罪九十石三流并徒三年七十石俱減二十石杖  
九十徒二年半六十石減其十五石杖八十徒二  
年五十石杖七十徒一年半四十石杖六十徒一  
年三十石俱減其十石杖罪每一十二石減作一  
石五斗笞罪不減陝掌西行都司事右軍都督  
僉事任啓奏年已七十三乞令孫俊代職詔不允  
以兵部言其精力未衰公勤庶幹下人信服故也  
己未京兆王守直等奏請  
桑顏衛都指揮使阿兒乞蠻遣韃子薛薛牙等來

朝貢馬賜宴并綵幣表裏等物  
丙申同時王守直等奏請  
滿剌加國遣使臣端麻古凌釘等奉表未朝貢馬  
及方物賜宴并綵幣表裏金織紵絲襲衣等物仍  
命齋劄并綵幣表裏歸賜其王及妃凌釘等奏其  
王原賜冠服燬于火詔復賜皮弁冠服紅羅常服  
及紗帽犀帶順天府直隸河間廣平等府涿鹿  
寧山興州前屯天津并大寧都司營州後屯等衛  
俱奏六月以未天雨連綿所轄地畝滄沒無收  
帝命戶部勘實以聞晝夜有流星大如杯色青白出

七公西北行至右攝提星  
丁酉六月  
賜襄陵王鎮國將軍範塏子名曰徵鏐戶部奏  
京城軍民狗利逐末屠宰耕牛請命都察院榜示  
禁約仍令御史兵馬司捕問追牛給貧民耕種之  
木星晝見于未位  
戊戌  
命故府軍衛指揮同知李昂子北斗奸府軍左衛  
指揮同知王福子得府軍後衛指揮同知馬鏞叔  
英金吾左衛指揮僉事祝林子勝南京金吾左衛

指揮同知何通姪愷俱罷職

辛丑

秦王志潔薨王秦隱王第三子母唐氏永樂二年  
生二十年對為富平王宣德三年罷封秦王至是  
薨享年五十二訃聞輟視朝三日謚曰康遣官致  
祭命有司營葬

壬寅

禮部奏灌頂國師贊善王班丹堅剌等言守護邊  
方盜賊寧息累遣臣入貢求食茶坐舡廩給未蒙  
允賜近日韃賊累寄書相誘為惡不肯從朝廷若

允所求則仍朝貢護邊若不允則邊民為惡臣難  
以禁阻惟班丹一堅判本以蕞爾小夷僻爾處遐  
壤過蒙朝廷厚恩封以王號政宜敬備臣職撫允  
番夷以圖報稱今乃蔑棄禮法大肆狂言欲連結  
醜虜以開邊衅請移文陝西四川鎮守總兵等官  
務要整飭邊備防其奸兇仍賜勅開諭禍福俾其  
安守禮法毋聽小人誘惑為非從之

癸卯

勅都察院曰朝廷置都察院所以振揚風紀表著  
公論警官邪明憲度糾察姦慝扶翼善良所貴正

已以律人奉公以行法知無不言言無不當庶幾  
可稱其任近聞監察御史中有不得其人或素行  
不端廉名少著或持憲失体處事乖方或文移欠  
通輕浮少實或假公濟私不畏清議此皆爾等素  
所見聞而知者也似此之徒難居是職特勅爾等  
嚴加考察具名以聞毋徇私曲乃愜群情

大明英宗睿皇帝實錄

廢帝郕戾王附錄

帝景泰六年八月甲辰朔

太上皇帝居南宮

應天府并直隸鳳陽寧國太平

安慶廬州徽州池州諸府廣德滁和諸州直隸潼

關陝西甘州諸衛各奏今夏亢旱直隸淮安揚州

蘇常諸府南京神策龍虎及直隸諸衛各奏今夏

旱至閏六月十二日猛風驟作雨雹交下連日不

止潮水泛溢滄沒民居未緣租稅無徵命戶部遣

官履視以聞

乙巳

泰寧衛都督僉事革干帖木兒等遣指揮脫脫不  
花等湖廣施州衛南宣撫司遣把事殷古送等貢  
馬賜宴并綵幣等物有差降監察御史倪敬黃  
讓盛景羅俊杜賓汪清委濬蘇廉祿王儀王紀白  
瑛金澤左源米倫俱為典史吳節林璟俱為驛丞  
大時  
帝以監察御史多不得人特勅左都御史蕭維禎等  
考察於是以敬讓景俊賓清俱輕浮少實濬廉祿  
大儀俱處事乖方紀持憲失体瑛澤源倫俱文移欠

通節素行不端璟廉名少著具名以聞遂俱降之  
時監察御史王鑑嘗於左順門以正言折中官非  
禮不為屈中官諷維禎等黜之維禎不聽惟倪敬  
嘗指陳時政忤旨被黜頗為士論所惜云 調留  
守右衛指揮僉事梁偉於錦衣衛帶俸不管事

丙午

萬壽聖節遣官祭

長陵

獻陵

景陵

帝詣

奉先殿

上聖皇太后宮

皇太后宮行禮畢出

御奉天殿文武羣臣及四夷朝使行慶賀禮以齋戒

免宴賜且川王府鎮國將軍公鉞公錡公鏞

誥命冠服等物

命修理金山衛及青村南滙嘴守禦所城垣以海水

漲溢為所決壞也

丁未

釋奠先師孔子遣太子少師兼戶部右侍郎翰林

院學士蕭鎡行禮遣順天府官祭宋丞相文天

祥 陞太子太保兼中軍都督府僉事張輓為右

都督仍兼太子太保錦衣衛指揮同知李効良為

指揮使 哥吉河衛夷人伯革等自虜中未歸送

南京錦衣衛安插給房屋器物 鎮守浙江兵部

尚書孫原貞奏浙江各府及直隸蘇松等處人民

艱窘其清逃故軍丁乞待秋成後起解從之

大戊申

帝祭



太社

太稷鎮守雲南都督同知沐璘等奏所轄府衛水  
潦民飢未價騰貴預備官倉支給已盡今將各府  
軍儲減價出糶以甦民困其所得銀貨官為收貯  
候豐年易米上倉謹以數聞

己酉

朝鮮國王李弘暉遣陪臣安崇直等貢馬及方物  
賜衣服綵幣等物有差 代王仕壘奏第三子成  
鏞蒙封為博野王府中遇有疾病缺醫調治命所  
司撥民醫一人與之 泰寧衛都督僉事革干帖

兒所遣指揮脫脫不花奏虜酋卯里孩立脫脫不  
花王幼子為王卯里孩陞為太師近者卯里孩領  
人馬來我三衛虜掠我三衛共追之已擊敗其衆  
兵部議虜情難測恐卯里孩假以離殺為由因集  
醜類來擾邊境宜移父遠東交同宣府等處總兵  
等官嚴切哨備從之

辛亥

旌表節婦三人李氏直隸長洲縣民俞鎮妻鄧氏  
丹陽縣民沈輓妻俱守節三十年旌其門曰貞節  
晉王鍾鉉奏永和王美鳩先被鎮國將軍美堪訐

奏其傷壞人倫等事蒙降為庶人其子鍾錄被累  
年久乞略其父過俾沾一命以承祭祀

帝曰鍾錄仍為庶人俾主事今後恪守

祖宗成法如違必罪不宥 黎城王府正平縣主薨

遣中官致祭命有司營葬事

壬子

賜交城王美垓西河王美塿稷山王幼拱衣和王

公銘冕服并鎮國將軍鍾銘

誥命冠服 提督山海等關右副都御史李賓奏洪

武初魏國公徐連守禦永平山海等處築禦賊長

城三十餘里及喜峯等關口俱修築堅完賊至不  
能進入百姓賴以安居宜建祠宇於永平府城內  
俾有司春秋祭祀以慰軍民仰慕之念  
帝曰邊務方殷軍民艱難俟豐年舉行之

癸丑

給胙城王子塚并褒城王府鎮國將軍徵鑊徵鈺  
歲祿各一千石靖江王府鎮國中尉相覺相尊歲  
祿各四百石俱米鈔中半兼支

甲寅

陞都察院右僉都御史鄭為左僉都御史 擢行

人盧昇進士李曰良呂益宋有文汪霖龍晉楊奎  
丁慈史蘭茂彪張綱伍奠毛倫劉克呂洪李志綱  
王齊郁文博溥鏞教諭袁純鄒昂訓導劉敬盛忠  
薛驥陳勗郭觀施譙俱為南京試監察御史  
巡撫江西右僉都御史韓雍奏所轄府縣預備倉糧  
支給濟民連年薄收不能償官今漸空虛民間殷  
實之家亦已勸諭納穀旌異外再難措置者浙江  
按察司副使羅麓奏民納粟已授冠帶者能添納  
稍穀量授官品其法固善然所添穀多民不樂從  
請自今有能添納二百石者授以從九品服章每

二百石遞陞一級俱於本處望闕謝恩榮耀鄉里  
不許支俸管事從之

巡撫南直隸戶部尚書李敏奏應天太平諸府歲  
歉民饑公私倉廩賑給已盡欲於石灰山閩批驗  
秤盤客商引鹽之處每鹽一引免其該納餘鹽勸  
令出米三升又於溧水縣廣道鎮壩經過客商所  
販木植每根小者勸令出米一升大者令出米二  
升官為收貯賑濟俟<sup>年</sup>秋成革罷又言諸府歲運  
京倉米十七萬石有奇其加耗水程米恒倍是數  
乞將今年正米於本處出糶以所得白金上納京

庫其加耗及水程米官為給散賑濟從之

丙辰

重造沅陵王府從王貴焞奏請也 巡撫兩廣右副都御史馬昂奏廣東自正統十四年駐師勦賊之後倉廩空虛乞將所屬府縣折銀稅糧五萬石徵本色存留本處官倉備用從之

丁巳

管河主事李蕃奏初為徐呂二洪水淺鑿陽武脾沙岡引黃河之水然後舟楫流通近又見起夫濬封丘縣新集等處分脾沙岡外水以濟沙灣緣脾

沙岡水微細不能兼濟二處恐沙灣得水而徐呂乾涸得一失一非計之善况新集地高費用頗多乞勅左僉都御史徐有貞等量度處置從之 夜昏刻南方有星如蓋天赤色有光起自河鼓東南行至近濁

戊午

先是欽天監奏觀星臺在東城上喧擾不便而屋宇墻壁亦多損壞乞徙至東長安街臺基廠則觀星臺之高與西長安街二塔相對足為青龍白虎之象與堪輿家所言形勢為宜

帝允其請至是以其勞擾不徒姑令修理之 鎮守  
雲南金齒衛等處南寧伯毛勝奏軍民告稱巡撫  
僉都御史鄭顥往年遇旱設法賑濟人得聊生今  
年水滂大壞苗稼顥已回京乞仍命巡撫以慰人  
望從之 夜金星犯房宿北第二星

己未

祭太歲山川等神 遣旗手衛官祭旗纛神 提  
晉山海等關右副都御史李賓奏薊州永平山海  
諸邊軍士騎操官馬舊制每歲冬季給穀草餉秣  
者戶部欲廣貯積不復支給然馬多瘦損詔如舊

制給之 提督大同軍務左副都御史年富自陳  
有父在堂年幾八十病息奄奄朝不保暮乞罷歸  
侍養庶全人子之道

帝曰卿之孝情朕固知之但今邊境正用人之際不  
允所請其速往整飭軍務毋致稽遲 鎮守湖廣都督  
陳友奏會同縣所屬苗賊聚眾攻劫城池殺虜人  
畜兵部議行巡撫湖廣工部尚書王永壽并陳友  
等嚴謹守備遇賊出沒相機撫捕從之

庚申

岷州衛番僧綱司大國師綽竹藏卜遣刺麻速南

領占貢馬賜鈔絲幣等物有差 降南京大理寺  
左少卿廖莊為陝西定荒城驛驛丞先是莊請復  
皇儲其言激切忤旨及是以丁母憂至京陛見  
帝甚怒命杖八十于陛前不死遂謫降之時禮部郎  
中章綸監察御史鍾亦先以言 皇儲繫錦衣衛  
獄因命就獄併杖之綸幾死同竟死為同字世京  
江西吉安永豐縣人翰林院修撰復之子景泰  
辛未

進士拜監察御史為人有志操遇事敢言言必出  
於誠懇無觀矯激之心至是以直言死士論深惜

之天順元年贈大理寺左寺丞錄其子啟為國子  
生啟後奏乞父骸詔從之仍給舟車廩餼以還塋  
調大理寺右少卿李茂於南京大理寺

命遼東故都指揮僉事周瑛子俊襲定遼前衛指揮  
僉事鎮守甘肅太監蒙奏守備都指揮僉事邢  
端不行嚴謹致火延營房燒死軍人及燒燬草束  
官馬軍裝等物仍受囑不呈報當置諸法奏下都  
察院覆奏宜行巡按御史候春暖執問從之夜  
有流星大如碗色青白有光燭地出井宿西南行  
至近濁曉刻木星犯井宿鉞星

辛酉國使使本

詔濟京師城河備兩漕也論福建官臺山一浙江

慶州府殺賊功賞浙江鎮守兵部尚書孫元貞副

都御史鄭詔俸一級其餘官軍陞賞有差

癸亥

大寧都司保定衛軍奏鎮守都指揮僉事趙瑄占

種軍田及用官物造私造等事刑部請下巡按御

史案實以聞之後周府新息縣主薨遣中官致祭

命有司營塋

乙丑

朝鮮國王李弘暉遣陪臣金何等貢馬及方物賜

宴并絲幣衣服等物有差

勅朝鮮國王李弘暉日得奏王自童稚得疾承襲父

爵以來氣質孱柔罔知攸措凡百政務委諸臣僚

遂致奸謀生變賴爾叔父得彌禍機尚惧人心未

寧無以鎮安邦土請尚爾叔權署國事朕念為政

在人得人而後國安王既難理國事使讓或未得

人則為王國之累非細今姑允王讓叔李稟權署

國事復勅諭王須審察稟果平日為人行事合宜

為國人所信服是實即馳奏來朕更為王處置毋

受惑於姦諛墮其詐計致有不靖王其慎之  
勅監察御史鄒永昌往隸與山東河南等處印烙馬  
匹賜大國司鎖南領占金印僧衣誥命提督山  
海等閑軍閩右副都御史李賓奏永平山海一帶  
閑墮相連軍馬數多見貯糧料數少其附近空閒  
地土約有七八千頃臣欲起今無警時月令見在  
閑營及守城軍內精壯者留備操守輒弱者量揀  
屯種仍令帶隨身衣服甲器械遇警各守信地以  
聽調用月糧俱暫支給俟屯田既成上納見支月  
糧其有丈量不盡地土官軍舍餘有力開墾者儘

力耕種一体辨納子粒庶可節省餽運事下戶部  
言賓所奏誠守邊長久之良法宜准其言從之  
巡撫貴州左副都御史蔣琳奏貴州布政司初開  
設時暫以貴州驛舍倉為司驛在城外庫隘不備  
臣見貴州前衛居城中寬廣可改為司其衛署有  
指揮谷瑄因貧難願賣可改為衛署命三司勘實  
移徙於山東都轉運鹽使司運使張璉以老病乞  
致仕從之

丁卯  
詔內外衙門今後犯法者不許擅自枷號從南京



大理寺右寺丞應顯奏也 巡撫山西右僉都御史蕭啟言臣年近六十百病交攻服藥無効比者陳情乞骸未蒙俞允竊恐苟延歲月有妨重務是以憂懼益深必思愈衰病病愈劇伏乞矜憫早賜退歸之命庶副首丘之念疏聞不允仍令巡撫  
戊辰  
降監察御史亮東顯為驛丞以左都御史蕭維禎等考察文移欠通且輕浮少實故也  
開設壽縣於福建建寧府溪北山下楊梅村銓官降印縣割政和福安二縣地共二十四里隸焉先是

溪北山隸政和縣其地產銀礦而去縣治四百餘里盜賊多潛居焉至是鎮守等官請開縣治之故有是

命南京吏部等衙門尚書曹義等奏南京六部等衙門堂上官考滿乞照宣德年事例給駟赴京不允提督宣府等軍務右僉都御史李秉奏操守保安都指揮同知王俊不自知守備長隨田靄擅發官軍修理城池靄懷私忿輒毆之俱宜問罪詔俱宥之今後再不協和必加重罪

庚午

調南京掌太常寺事禮部尚書章文掌詹事府事  
時文三年任滿到京故有是

命給趙王祁懿周王子虛歲祿各一萬石  
科給事中孫珉戍陝西肅州衛初珉受宣課司吏  
銀囑戶部容收不堪課鈔事覺

命錦衣衛鞠之獄具以聞故謫之

命辛未

巡按直隸監察御史楊言天下各府州縣納米旌  
表義民中有倚朝廷旌表為由門立三門中門常  
杜人不令往來又竊立高樓峻閣刻畫龍鳳名為

御書樓勅書閣况有酷害良善暴橫鄉曲乘輜引  
導者乞通行天下禁約今後有不悛前非者執問  
如律仍將旌表門并立石俱革去原賜勅書亦追  
之章下法司覆奏從之 巡按直隸監察御史吳  
中奏鎮守保安署都指揮僉事王茂占軍地以造  
私宅當問其罪從之 湖廣按察司副使呂國等  
奏湖廣地方多有外處民寄居或違禁取利  
或強占田地倚恃刁頑挾制官府稍不遂意搆  
詞興訟上司以其原告難監發聽候輒逃去至於  
提人已到因無原告對理監候久之事無完結良

善被害誠恐各處有此弊乞勅法司通行天下  
問刑衙門若原告在逃將及一年者聽將事內證  
佐人犯對問推理依律發落如告實原告免提如  
虛別行挨執問罪廢使奸計不行獄無淹滯從之  
南京前軍左都督吳信卒訃聞輟視朝一日遣  
官致祭

大明英宗睿皇帝實錄

大明英宗睿皇帝實錄

廢帝郕戾王附錄

景泰六年九月

癸酉朔

太上皇帝居南宮 永嘉大長公主奏近見京師軍馬  
數多用糧浩大願以永樂宣德正統間所買直隸  
無錫縣田一處計一千二百餘畝歲入租糧七百  
餘石盡歸有司以助供給從之

命湖廣致仕都指揮同知范真男琦代為衡州衛指  
揮使 脩內府都知監日夜有流星大如盞青色

白其光燭地起孫星東南行至濁炸散

甲戌

南京上實司司丞宋懷以九年任滿陞本卿  
陞授青州安順州土官知州阿寵散官朝列大夫以  
其輸銀給邊餉故也 永嘉大長公主薨公主  
太祖高皇帝第十二女母惠妃郭氏洪武九年生二  
十二年冊封為永嘉公主配駙馬都尉郭鎮永樂  
三年封長公主二十二年加封大長公主至是薨  
享年八十訃聞輟視朝一日遣中官致祭

命有司營葬

乙亥

擢進士李敏江勛唐彬桂琛李裕張僖葉淇俞紀  
白侃張岐樊英康驥李麟陳貴國子監學正劉濬  
教諭尹淳監生楊銘滕昭劉淵趙璵蔡浩張珩俱  
為兩京試監察御史

命禮部尚書掌詹事府事章文經廷侍班 巡撫蘇  
松等處左副都御史鄒來學奏奉

勅賑恤饑民已給米<sup>麥</sup>豆穀共一百萬六千七百餘  
石

夜有流星大如盞色青白起天并星西南行至濁

沒

丁丑

兵部奏貴州鎮遠府苗賊苗總幹等殺虜居民邊  
截糧道乞移文湖廣貴州巡撫總兵等官設法撫  
捕從之巡撫河南左副都御史馬謹奉奏

勅於開封等府安插賑給流民三萬一千三百壹拾

五戶

命故金吾左衛指揮同知盧俊孫福龍陞都指揮僉  
事以俊與虜戰沒於彰義門也

命陝西都指揮僉事張通子黼伐為甘州左衛指揮

僉事

己卯

降監察御史劉紀為廣西高橋馬駟駟丞時紀按  
視通州衛倉糧儲聘部民女為妻事覺下錦衣衛  
獄其故降之

庚辰

巡按雲南監察御史羊倬奏鎮守金齒騰衝南寧  
伯毛勝貪暴不法數十事謂勝犬羊餘孽狡猾愼  
邪且數與諸夷通恐大貽邊患詔雲南總兵等官  
覆之

辛巳

重陽節賜文武百官宴  
陞湖廣黃州府知府余清為福建都轉運鹽使司  
運使陝西平涼府知府張鏞為山東都轉運鹽使  
司運使復除河南按察司僉事劉懷於四川按察  
司貴州僉事胡顯於湖廣按察司俱以親喪服闋  
故也修內府御藥庫  
昌平侯楊俊下獄以家人  
奏其丞庶母也  
兵部奏董卜韓胡都指揮使克  
羅俄監粲進番文一道言詞悖逆語涉妄誕且侍

即羅綺等先奏克羅俄監粲已死今詳此奏所列  
官銜亦與常時所奏不同疑有詐偽宜令綺等嚴  
為邊備及遣人體實以聞從之

甲申

免直隸淮安府安東縣歲輸藥材等物以本縣屢  
奏早澇故也  
提督松潘兵備刑部左侍郎羅綺  
奏土番張蠟國師商巴校黠多端大為西邊之害  
而天斃之其姪吾兒哲等仍蹈其故智比之商巴  
其惡尤甚竊恐結構諸番稔成邊患臣等訪得吾  
兒哲姪南柯兒與之構怨今以計致之對臣發誓

期將吾兒哲等攻殺盡絕乞降  
勅俾之管東部落以圖成功庶地方寧靖事下兵部  
尚書于謙議番夷人向獸心素無禮義轉移之間  
向背不測况以革本是親屬萬一謀泄則是中國  
教令外夷戕賊同類非所以訓天下後世綺言不  
可從  
帝是之

夜有流星大如盞色青白起壁宿西南行至游氣  
漫  
丙戌

命河南南陽府郟縣縣丞傅子榮復任陞正七品俸  
子榮九年考稱當遷縣民稱其律已謹廉撫民仁  
恕奏乞復任下巡按御史布按二司覆實如民所  
奏故有是命 召商於貴州缺倉糧分中鹽納米  
兩淮借撥鹽三萬引每引米五斗五升兩折借撥  
鹽三萬引存積鹽二萬三千七百二十二引每引  
米四斗雲南黑白等井連年餘鹽三千九百四十  
引存積鹽三萬七千引每引米六斗五升麗江軍  
民府蘭州上下等井連年餘鹽九百六十八引每  
引米六斗五升四川上流等井存積鹽一萬四十

七引每引米四斗五升  
命應天府通判董貫復任陞從五品俸貫在任專  
理馬政九年考稱當陞屬民言其勤慎寬厚撫字  
有方人不煩擾馬用蕃息告乞復任巡撫尚書李  
敏等以聞吏部請如所保故有是命  
裁革雲南  
雲南府滇池魚課司副使一員  
巡按廣東監察  
御史彭信勘巡撫侍郎揭稽實杖死平民而右布  
政使宋欵按察使方貞監察御史楊璉庇之都督  
僉事翁信違例受訟稽者詞俱當建問詔姑置之

命各自陳既而信及欵貞璉俱輸罪遂皆宥之

夜月蝕

戊子

降南京監察御史苗樞李堅潘鏞孔鑰俱為典史  
秦紘戴昂楊敷俱為駙丞時南京都察院左副都  
御史軒輅奉

勅考察樞等文移欠通紘擅受詞狀昂故違禮分數  
輕浮微物具名以聞俱降之

命通州衛帶俸都指揮僉事李名弟全代為本衛指  
揮使  
左僉都御史陳泰先奉



勅督濬儀真瓜州江都高郵寶應及淮安一帶河道  
命至是以功完上聞凡濬河百八十里築決口九處  
填三座役人夫六萬餘  
命修南京揚各滄波門城垣水洞損裂者設四川  
灌縣永積倉

庚寅

巡按湖廣監察御史包瑛案監察御史鄭時巡按  
湖廣時論盜獄有失巡按直隸監察御史伍善案  
監察御史胡端分巡畿內縱其從吏索賂俱命都  
察院執問之

壬辰

展蓋博野王府初王為安定王所居安定王以帝  
狹他徙至是開展為博野王府後代王仕壘奏請  
也吏部言提督大同軍務左副都御史年當自  
陳有父老病朝不保暮乞封以令職俾即不諱亦  
得據例塋祭然富先任陝西右叅政已嘗給誥封  
贈其祖父母父母妻也例難重給

帝曰富在邊效勞特命予之

癸巳

擢馮

誥命儒士趙貞為中書科舍人從其援例乞恩也

甲午

命其子壽代為本衛指揮使 夜金星犯南斗魁第

三星

乙未

南京參贊機務兵部尚書張純請今後軍職犯法者即擒送法司然後奏聞刑科參純款擅威福亂

成律

詔宥之

丙申

四川宜賓縣民奏臣等採木於萬山之中辛勤萬餘里始至北京自南京已抽分五分之一淮安抽分三十分之一至張家灣又抽分五分之一并僦載費用通計之不滿原本也木客多不至京蓋有由矣乞令張家灣自後抽分如淮安例從之

丁酉

掌詹事府事禮部尚書章文言諸司職掌內東宮官從本衙門以事蹟備送吏部考覈景泰三年九月間左春坊左庶子兼翰林院侍講周旋等又奉

聖諭東官官皆不必考近本府主簿趙政等考滿吏部又移文本府及送河南道考覈且諸司職掌實國家彝典為世不可改易况綸音在耳未及再期而吏部輒反覆不常難於遵守

帝命如諸司職掌行

戊戌

命故西寧候宋傑子誠襲封西寧候

己亥

命萬全都司都指揮僉事武安子瑛代為宣武前衛指揮同知以安羊老乞致事也

庚子

賜周王第八弟名曰子珽第九弟曰子璠第十弟

曰子圻第十一弟曰子璫第十二弟曰子璿第十三

弟曰子璘鎮平王第五子曰子璘第六子曰子圻

封丘王第四子曰子圻第五子曰子圻第六王弟

三弟曰子璠第四弟曰子璠第五弟曰子璠第六

弟曰子璠遂平王長子曰同鏞河陰懷僖王長子

曰同鏞召商於遼東各倉中鹽納米以備軍餉

兩淮灶丁折糧鹽一十八萬七千四百三十九引

廣寧等四倉每引米量中半一石四斗共鹽八萬

四百二十九引定遠前等三倉每引米量中半一石五斗共鹽七萬七千引三萬倉每引米量中半八斗共鹽三萬引沿漕河盜賊橫甚漕軍有殺掠者副都御史王竑以聞命監察御史王用同錦衣衛官嚴捕之日夜月犯亢宿南第二星壬寅命宋儒程頤之後克仁為翰林院五經博士子孫世襲以奉其祀山東濟南東昌青州兗州四府河南河南衛輝懷慶三角山西平陽府各奏今年二

六月至五月不雨田苗旱傷湖廣武昌漢陽德安黃州荊州長沙岳州七府沔陽州沔陽安陸蘄州三衛德安千戶所各奏今年春夏以來雨澤愆期田苗枯槁閏六月以後江水泛溢又被淹沒事下戶部覆視之

命有司修建先賢顏回曾參程顥朱熹祠宇及定祭儀仍

命翰林院撰文令其子孫世襲五經博士者春秋祭之

陞工科左給事中王讓為本科都給事中陞陝西

河州衛指揮使韓春署本都司都指揮僉事事仍  
鎮守河州

命餘林劉繼文令其子繼世襲其職  
命本區於載去國與回會冬歸來  
將歸所上

古林歸國六月以  
大明英宗睿皇帝實錄  
平

大明英宗睿皇帝實錄

廢帝郕戾王附錄

景泰六年冬十月癸卯朔

太上皇帝居南宮

帝享

太廟以下元節遣官祭

長陵真社會可  
獻陵

景陵遣中官祭司井之神免順天府霸州文安  
縣諸處所採秋青草以其連被水災也

甲辰庚子林林清卓心其聖考公

賞甘肅石灰禿等處殺賊陣亡官軍士民三十五

補人銀有差 福建建寧府通判蕭瓌為僉事沈納

身案其奸貪下獄瓌遂訐奏訥淫汙事下獄巡按御

史覆之

帝乙巳

賞浙江福建官軍民壯等三百六十人綵段絹疋

布鈔有差以勦獲強寇功也

丙午

給周府鎮國將軍子埒子璽子斌子埒歲祿各千

石米鈔中半兼支

命濟陽衛帶俸都指揮僉事簡海子茂代為本衛指

揮同知 巡撫蘇松等處左副都御史鄒耒學奏

蘇松等府民該納在京稅糧舊例俱與官軍免運

後因瓦刺入寇存留官軍守備京城暫令民運近

有連被水旱民力艱難乞照舊軍運為便從之

丁未

給沁源王肥鄉縣主并儀賓趙琮歲六百石丙本

色米四百石折鈔二百石 秦世子公錫奏逆父

王薨逆祿未萬石石例當住支臣家詔浩大兼無

喪葬之費乞仍舊支用從之  
都察院論昌平侯楊俊  
係父妾斬移審大理寺  
俊輒不引伏於是命三法司會諸大臣羣鞠之  
辯俊欲丞未成獄上詔曰  
俊雖係庶母未成終為敗倫傷化其論如律嚴錮之  
已酉  
復除山東右叅政程信右叅議王彥成於四川布政同俱以親喪服闋故也  
命庚戌  
巡按直隸監察御史伍善奏大名縣野蚕成繭禮

部以為  
皇上臣德所召請率群臣稱賀詔免賀  
山東右布政使吳存卒存江西南昌縣人由舉人任刑部主事  
陞雲南叅議遷湖廣叅政進布政使所至以寬厚為政時號得休  
夜有流星大如盞色青白有光起天因西南行至天倉星沒  
辛亥  
命金吾左衛指揮使單威子海金吾右衛指揮使張敬子鑑羽林前衛指揮僉事張貴子俊  
代戍  
五鼓有流星大如椀色赤光明起北斗經行紫微

垣至東藩外尾跡炸散

壬子

命內供用庫造大隆福寺佛會蠟燭五萬七千四百枝共用蠟一萬七百八十餘斤

命都察院分遣御史錦衣衛官校五城共馬司官兵巡視火鋪督限捕盜時京城內外饑強盜肆行白晝殺人掠財故有是命

甲寅

召商於順天府霸州等處中鹽納米以賑飢民計中兩淮運司景泰六年借換存積鹽二萬六千四

百六千引每引納米九斗本州文安等四縣每處

上米三千六十石共米一萬五千三百石該鹽一

萬七千引固安等三縣每處上米一千五百石共

米四千五百石該鹽五千引寶坻等二縣每處上

米二千零七石共米四千一十四石該鹽四千四

百六十四引

南京戶部署員外郎李永寧奏本部尚書沈翼殘忍苛刻失大體吏部尚書曹儀數囑

托屬官下南京左副都御史軒輓覆之情為相

都察院言永寧翼義俱合逮問命翼義自陳狀下

永寧南京都察院鞠之



乙卯南京略略略

賜懷仁王遜焯第四子名曰仕在第五子名曰仕  
狀沁源王鎮國將軍幼瑳子名曰銓錦兵部奏  
近得朵顏衛使臣言北虜脫脫小花王子麻馬兒  
可見吉思并毛那孩孛羅等領回鶻騎欲攻阿剌  
知院阿剌七坎坎地面亦聚眾三萬待之夷虜相  
攻勢不可兩立敗亡者必未假息近邊勝捷者必  
至乘勢入寇乞移文各邊總兵等官多遣間諜嚴  
為守備從之

丙辰

岷王徽燦奏母墳在南京歲久享堂墻垣傾圮乞  
守以內使一人從之吏部言宣德以前尚寶司  
中書舍人都給事中行人司正官凡遇考滿俱依  
諸司職掌從本部考覈正統以來本部誤依在京  
堂上官例未曾考覈因循至今乞改正仍舊考覈  
從之夜月犯畢宿右服北第一星  
丁巳百四十一朵顏等衛頭目兀孫帖木兒等雲南大候州土官  
舍人刀奉衡孟撈寨頭目招拜曩福等來朝貢馬  
及金銀器皿方物賜宴并綵段表裏等物有差

戊午...  
免陝西西安等七府去年夏稅三十八萬九千九  
百三十餘石西安左等一十六衛所屯糧六萬四  
千三百四十餘石以奏被災傷故也 給大同西  
路馬一千四百八十匹 刑部郎中夏時正奉詔  
分審福建重獄之有寃者奏聞十數人特命宥死  
寬沿海衛軍時正以為若有福建沿海衛乃以聞  
因乞凡福建宥死俱宜發北方沿海衛庶寬仁之  
中寓防禁之術都察院謂時正所言可從但不俟  
奏請輒徑發寬軍且問其罪詔宥之 昏刻有流

星大如盞赤色尾跡有光起冒宿東北行至車後  
三小星隨之

己未

福建備倭都指揮僉事趙鋼數納備倭軍賂縱之  
休役下巡按御史盛顯論綱絞例謫沿邊立功五  
年都察院謂綱宜依懲治軍職例降三級從之

庚申

誠孝昭皇后忌辰遣官祭

獻陵 吏部言國子監察酒劉鉉以母喪服闋至京  
當復任但兩監無缺伏乞裁處

命復職 夜四鼓有流星大如盞色青白尾跡有光  
起天授星東南行近濁沒五鼓有流星大如盞色  
青白有光起紫微西藩內東北行至游氣炸散

辛酉

刑部員外郎熊瓚奉詔審寃獄於陝西以鞏昌諸  
州縣上死徵糧罪人不下五六百餘中多衣食不  
給請推恩典蠲之都察院謂如此則姦貪得志邊  
儲以乏但且驗其誠貧者俟豐年焉從之 衍聖  
公孔彥縉不能謙下族人且所舉先聖五十四代  
孫克勛為族長五十七代孫諱為知縣俱不協衆

論於是彥縉族叔祖克昫等上疏條彥縉不律過  
惡數事彥縉亦奏克昫等恃尊欲傾已俱下巡按  
山東御史等官覆之情偽相半論克昫等徒而卒  
不為族人所服宜改擇之彥縉奏亦有妄請加罪  
詔曰先聖子孫朝廷甚優待之念其初犯俱免罪  
今後務循禮法敬長慈幼不得恃貴凌尊恃長欺  
賢有違國法家訓再犯必罪不宥

癸亥

陞廣西思恩軍民府知府岑瑛為右叅政先是瑛  
領土兵隨軍征調而以子鑛代為知府撫夷鑛招

集無賴飲血立誓殺人為人所為多不法瑛舉發其事請於總兵等官因府治之鑛聞其父將至自縊死事聞嘉其能割愛効忠故有是命且降勅諭之襲封衍聖公孔彥縉平彥縉朝紳宣聖五十九代孫甫十歲襲父鑑爵其爵太宗皇帝其爵命教於太學久之遣歸仁廟賜第於東華門正統間幸太學有襲衣冠帶之賜明年末朝又有銀印玉帶織金麒麟之賜至是卒年五十五

帝遣禮部主事周駉往致祭并令有司治喪葬彥縉為人和易性嗜酒文學亦少加意孫弘緒嗣爵甲子

復除監察御史張吳於湖廣道羅澄於山東道趙雲於南京山東道俱以親喪服闋故也

命直隸鳳陽府潁州亳縣知縣徐貴復任陞正六品俸貴任滿離職以考稱當遷而其代者尋以憂去邑民思貴詳明勤慎善革奸弊相率詣闕乞復其任吏部言當徇民情故有是命

乙丑

修南嶽廟

丙寅

翰林院編修黃諫上大明鏡歌鼓吹十四曲以頌

太祖

太宗聖德神功之盛命送翰林院吹之 總督兩廣

軍務右都御史馬昂奏

天下邊衛守備軍官畏避征調往往營求馳報邊務

齋進

表文赴京往復動經年月有誤邊備之行集犇從之

廣東都指揮同知耿全與廣西流賊戰於肇慶

白沙村敗績指揮倪廣李清等俱被殺總兵官翁  
信帥兵往殺全復力戰有功審利御史彭烈上其  
功罪請裁決詔宥全死降為事官擊賊自劾

丁卯

命修造太常寺祭服祭器

命鑄簡儀銅壺從內官監請也 福建審刑刑部郎

中夏時正言福建通番及強賊諸獄所司多牽於

會問以致淹禁而死實坐者不足恤而枉者可憫

請自今凡非<sup>及逆</sup>重罪<sup>及</sup>勲戚大臣奉特

旨者俱不必會問都察院謂時正言可從宜通行天

旨下諸獄原發在都布司者但會都布司官在府衛者會府衛官在按察司及巡按御史者不必會官即為問結當奏請徑以聞如有淹滯按察司及巡按御史治之詔從所議

南京大理寺右寺正向敬言臣見本寺審錄南京刑部都察院輕重囚間有情重罪不當請鞫免駁回問理者原問及調問官往往銜之痛肆箠楚迫其曲承是致刑獄多寃傷和召異乞

勅法司今後本寺駁回諸囚原問官務在詳讞不許箠楚尺輒呈堂調問其駁回三次者本寺照諸司

職掌備其供詞移文調問或原問官情有增減罪有出入並許舉正其罪從之

戊辰

調役軍都督僉事張欽於中軍都督府視事

己巳

命故金吾右衛帶俸都指揮僉事任信子安代為本衛指揮使湖廣武昌府奏府學福窄而與武昌道相連乞併道為學其址察院以居刷卷御史然御史不常來可改為武昌道間遇刷卷亦可就在其中事下工部覆奏令勘實遷徙從之

庚午  
巡按湖廣監察御史包瑛奏都指揮同知吉世英  
聽所部千戶囑不令守備命續瑛巡按者執問之  
辛未  
四川按察司僉事王儀已為巡按御史考其昧憲  
体赴部當黜儀上疏陳枉都察院謂儀無耻請執  
問從之  
直隸盧州府民戴庸福建邵武衛軍  
餘楊淳江西臨州縣民余勝討王鼎湖廣攸縣民  
謝子隆王翰陳受輕張泰椿王瑒彭雷震洪忠可  
各出穀千石以上助官賑卹賜<sup>匾</sup>書旌勞復其家

大明英宗睿皇帝

大明英宗睿皇帝實錄

廢帝

景泰六年十一月壬申朔

太上皇帝南宮 欽天監進明年大統曆

帝御奉天殿受之給賜親王及文武百官頒行天下

鎮守湖廣太監梁達奏岷府庶人徽燂家僮蒙

能以從徽燂謀反竄伏苗蛮今偽稱蒙王詐為妖

書糾集生苗三萬餘攻隆里等處城兵部請移文

湖廣貴州廣西總督兵等官相機撫捕從之

癸酉



陞貴州道監察御史楊宜為廣東按察司副使  
命陝西老疾都指揮同知張俊子瑛代為西安後衛  
指揮使  
甲戌  
調江西右布政使黎璉於廣東布政司廣東右布  
政使宋欽於江西布政司璉初為廣東叅政以捕  
寇功陞江西布政使至是廣東新會縣民有以事  
赴京者道江西璉為之具奏草得僉書軍民名三  
千餘保已復任以慰民望吏部以為實因請更調  
之故有是命  
夜有流星大如杯色青白有光出

文昌西行至五軍

乙亥

命監察御史葉璠張諫提督南北直隸學校時吏部  
都給事中李瓚言南北直隸學校俱無按察司官  
提督宜分遣有學行御史二員專理庶學政不致  
廢弛人才有所造就事下吏部學舉二人以聞故  
有是命  
鎮守湖廣右都督陳友巡撫尚書王永  
壽等俱奏苗賊攻圍隆里新化銅鼓諸城敵傷官  
軍事甚急乞增調官軍策應事下兵部集文武廷  
臣議非謀勇素著蠻夷畏服將臣無以成功因舉

南和伯方瑛達官指揮使白玉以聞於是命瑛佩  
平蠻將軍印充總兵官玉為署都督僉事充副總  
兵太監阮讓陳瑄監軍戶部侍郎孟鑑措置糧儲  
調武昌護衛及湖廣等處土達官軍付瑛等往征  
之仍命戶部署郎中夏時主事閔本先遣措備糧  
草  
丙子  
今冬至都遣官祭  
長陵  
獻陵

景陵  
帝詣  
奉先殿  
上聖皇太后宮  
皇太后宮行禮畢出御奉天殿受朝賀大宴文武群  
臣及四夷朝使  
上聖皇太后  
皇太后  
皇后俱免命嬪朝賀  
命江北直隸淮安揚州等府滁州等州發贖罰銀貨

命糴糧以備賑濟從巡按監察御史鄭冕請也

丁丑

免直隸永平府所屬州縣并開平中屯衛今年被災地畝秋糧子粒三千五百六十八石草五萬一千五百四十六束

戊寅

設四川蒲江縣隻路巡檢司以其地多凶人強賊奉故也

己卯

命貴州按察司按察使王憲冠帶閒任陞貴州按察

司副使張海為按察使先是巡撫左副都御史蔣

琳等因憲老病薦海廉能守法夷民信服乞陞按

察使以慰民望至是憲以考滿至吏部具以言故

罷憲而陞海代之先是順天府所屬近南十州

縣大水命監察御史原傑往視傑奏水潦之餘人

民流移者萬計比屋缺食難以徧舉況各處牧養

在官馬騾多者一二十千匹少亦不下七八百匹

因無蓄積芻稟瘦損倒死者多一槩責償饑寒既

切築楚又加殆不堪命若不重為優卹恐生他變

請勅戶部開中淮浙鹽納未於霸州并文安大城

固安三縣各四十石永清武清永安寶坻四縣各  
三千<sup>石</sup>香河保定二縣各二千石驗口賑濟及將寄  
養騎操馬匹取回給與內外官軍騎操孳生馬并  
脚力驢摘人管領於附近有草州縣收<sup>放</sup>其追徵  
倒死走失馬驢量加停免候至豐歲備官戶部言  
淮浙監專供邊儲難准開中兵部亦言孳生脚力  
驢馬於附近州縣收<sup>放</sup>亦有窒礙而寄養馬匹又  
預備急用之數難便取給止宜令彼處有司設法  
賑濟惟倒死走失馬暫免賠償<sup>以</sup>月計<sup>以</sup>計<sup>以</sup>計  
帝<sup>幸</sup>從<sup>傑</sup>議

命<sup>浙</sup>司行之後戶部所定各處上納米數賑濟不敷  
中監則例太重傑又以為言復命戶部處之

征進湖廣貴州緄兵官南和伯方瑛奏光蒙朝廷  
念臣在邊日久與軍伴六十八輪遞隨從今臣往  
湖廣征苗當退還原營操備乞思量留看守家業  
其歲支南京本色祿米乞存三十石於京城開支  
贍卹家衆從之 巡按雲南監察御史牟倬等奏  
雲南左衛諸處并尋甸諸府今年四月至七月雨  
水連綿所種禾苗凍斃青空無收秋糧屯糧無<sup>從</sup>存  
辦約南京龍江左浙江海寧衛蘇州嘉興諸府奏

三月至六月亢旱無雨不能布種秋成無望稅糧無徵俱

命戶部勘實以聞

唐辰

以征湖廣苗寇師行遣魏國公徐承宗等祭告

天地

宗廟

社稷

陞錦衣衛帶俸指揮同知李榮為世襲指揮使仍

命舊帶俸

命給枝江王蒙壁歲祿一千石米鈔中半兼支河

南開封直隸保定諸府俱奏五六月天水漫流田

禾淹沒秋糧無計營辦事下戶部勘之

辛巳

先是差御史二員<sup>監</sup>收南京倉糧至是收糧事少

減一員給御馬監勇士<sup>士</sup>馮一千四百七十四匹武

驤左等四衛官軍馬一千六十四匹<sup>武</sup>達官指揮使

元把兒舍等子姪數人俱於畿內為強盜錦衣衛

捕得之命即誅以徇不必覆奏法司請按諸達官

罪詔宥之

壬午

太上皇帝聖節禮部奏請行賀禮詔免賀  
三衛來朝貢者往往有前此所掠中國人在內既  
至多自訴願留命各以其所得賜物與其頭目贖  
之仍令今後其使臣自以所掠未還者贖以絲幣  
實索而後還者半之  
陽曲王美垞奏庶子鎮國  
將軍鍾鎬鍾鏞歲祿千石內本色五百石於平陽  
府倉闕給未多陳腐乞於每年新收<sup>收</sup>未<sup>來</sup>內支給  
從之  
太子太保兼刑部尚書俞士悅奏冬至陽  
復宜恤刑以導和氣請停強賊諸囚之誅詔以今

各處盜賊多竊發不誅之無以示警已監者其如  
士悅言捕至者即誅以徇 故嚴封衍聖公孔彥  
縉妾江氏遣人訴於朝言子幼孫穉為族人所欺  
凡廟中倉庫管鑰為其所收凌暴孤寡窮迫備至  
况令夫拒在堂喪葬禮儀無所措置乞賜矜憐特  
為區處  
帝命禮部遣官屬一人馳驛至闕里為之治喪且  
勅其族人令織毫毋與凡公私出納管掌悉聽如  
故時進士孔公恂以親喪家居遂命兼理之禮部  
又言衍聖公雖二品然近蒙恩賜玉帶及三臺銀

印恩禮優異其卹典宜視一品之制從之三臺  
癸未  
巡撫廣東兵部左侍郎揭稽下都察院獄以故勘  
死平人論當死稽數從獄中上疏言巡按廣東御  
史彭信庇御史盛景晏覆其勘死平人而左都御  
史蕭維禎亦右景不與理令反移覆有隙右都御  
史馬昂請調刑部同錦衣衛官辨之詔曰稽坐罪  
不引伏乃數連及他人其令三法司會鞠之於夜  
月犯畢宿北第一星  
甲申

命故義勇後衛帶俸都指揮同知馬宣弟雄龍為本

衛帶俸指揮同知 巡按貴州監察御史伍星會

奏貴州烏撒衛地在萬山之中刀耕火種以給食

連年水旱相仍田禾不收今年二月至六月淫雨

不時<sup>二</sup> 苗稼淪損七月殞霜蕎菽稻禾俱不成

實夷民饑窘無以自存俱發掘蕨根土瓜採取櫟

橡樹葦為食已令有司於有糧倉分賑濟仍查本

處官庫收時贖罰銀鈔於附近之處易米接濟

命戶部知之

丙戌

命甘州守備都指揮僉事張廣子鑑代為直隸潼關  
衛指揮使 戶部言近因湖廣五開等處苗賊串  
靖肆為劫掠朝廷命將征剿已勅本部侍郎孟鑑  
往彼整理糧儲臣等切惟廣西四川貴州俱與五  
開接壤必於彼處存蓄庶緩急有備請馳傳往諭  
巡撫都御史馬昂蔣琳令其遣廣西四川貴州布  
按二司官督屬起運未完糧前去應用其先于貴  
州開中淮浙等區三十萬五千八百八十餘引有  
納米未完者就令琳催完又慮廣西糧運或不能  
維亦宜令昂酌彼時價定立則例召商中納福建

廣東海北三處官監各十五萬引及先次運去廣  
西糴糧銀五萬八千五百二十兩并彼處原收在  
官贖罰銀俱令昂會同三司酌量糴米此外別有  
長策聽從各官便宜處置從之

免山西應潭蔚朔大同懷仁等州縣稅糧五千八  
百三十二石有奇草一萬三千四百二十七束先  
是諸處被寇死絕人戶遺下田畝命有司給與軍  
民各言無力不願承種故免其糧草仍命召丁多  
田少之家或招撫復業之人承種三年之後始照



張原額徵辦  
唐寅  
復除湖廣道監察御史張寬於雲南道以親喪服  
關故也  
戶部奏先是順天府霸州并文安十州  
縣被巡按監察御史原傑請召高開中淮監已移  
文納未於彼賑給之矣傑言米數不敷今查淮監  
見貯不多難復開中請將在京兩法司直隸監察  
御史所問擬杖徒流雜犯死罪囚犯及見運磚運  
灰者俱照口外納米則例於彼處納米贖罪以備  
賑  
濟從之  
浙江慶元縣奏徒儒學於縣東舊所從

之  
辛卯

調河南弘農衛帶俸都指揮僉事趙貴於河南都  
司督領赴京輪採官軍  
刑部劾奏致仕叅政柴  
蘭在江西時湖廣右布政使任禮任河南叅議時  
各妻舉所部民才德堪用宜執問如律詔宥之  
延安綏德慶陽遼東邊將俱奏賸見境外烟火及  
遠賊近邊圍獵詔各邊鎮守總兵等官嚴飭兵備  
提督黃花鎮都指揮僉事韓智奏本鎮舊城高  
處山岡且地勢狹隘難屯軍馬其南有地坦夷方

可三●百丈款後來春修築徙居之事下提督軍  
務右副都御史李賓覈實從之皆奉本縣備加高  
壬辰 邑人國爵公建興官縣令高 邑人國爵公建興官縣令高  
給永壽王府鎮國將軍公鑲歲祿一千石輔國將  
軍公銘歲祿八百石俱米鈔中半兼支 楚府通  
城王孟燦薨王楚昭王第七子母華氏洪武二十  
二年生永樂二年冊封至是薨享年六十七訃聞  
輟視朝一日謚莊靖遣賜祭命有司營葬 所由  
癸巳  
授天文生施宗為錦衣衛帶俸所鎮撫以其家傳

星命書也

直隸河間保定府所屬任丘河間興濟靜海青  
等縣起運京倉口外糧并草束折收糧俱留本處  
賑濟鹽山慶雲南皮文河獻肅寧等縣起運口外  
糧俱改京倉以巡按御史吳中言各縣災傷請加  
寬恤以甦民困故也

甲午

秦府興平莊惠王妃曹氏薨妃陝西都指揮敏之  
女景泰一年冊封至是薨訃聞賜祭遣官治喪葬  
禮未夜月犯角宿南星

乙未

命河南老疾都指揮僉事李貴子斌代為弘農衛指揮使復命南京戶部遣官於上新河等處監收軍料從本部請也戶部奏近移文四川成都府威州并保縣勘上中下戶編造賦役文冊今州縣言係極邊番夷之處洪武永樂以來並不請曉造冊亦不知里甲名色凡有差發輪逆混當請俯從夷情免其造報從之夜月犯亢宿南第一星

丁酉

夜月犯罰星

巳亥

戶部奏湖廣五開等處苗賊作耗官軍寡弱不能剿捕三司會議欲將運糧回還官軍一萬一千七百八十餘人選調策應綠應天蘇松等處災傷糧米停免者多其間又或存留本處或折納銀兩以此京糧比之往年十無六七况今年十一月終糧未計已領運若將運糧官軍掣回征苗其糧必致消耗侵剋京師百萬之衆皆倚給於江南餽運積漸減少誠非固本足國之計請勅總兵等官如本部原奏將見在漢達官軍各衛有司土官衙門原征進歇班軍士兵民壯人等盡數起調併力征苗

如或不敷許將武昌護衛安慶貴州雲南四川諸  
處官軍土兵調用從之軍順天府宛平縣奏今年  
戶口鹽糧戶部定撥一半納米近被水災人民缺  
食乞俱納鈔候豐年如舊納米從之  
庚子  
勅代府昌化王仕壇曰得大同巡撫鎮守等官奏  
王於冬至日乘各官出外行礼徑至帥府周圍觀  
視而還皆疑王有他故故瞰其亡而來此無恠其  
然也大抵典軍政者其機不敢不嚴居藩屏者其  
行不可不慎王既輕出使人致疑今姑不較特勅

戒諭自今一動一靜宜守

祖宗成憲毋或輕玩致有乖違王其慎之免南北

直隸揚州淮安等府大名府元城縣揚州高郵淮  
安大河等衛興化守禦千戶所今年被災田畝秋  
糧子粒二十九萬三千石草五十九萬四千九百  
二十餘包

辛丑

以山東按察司按察使古鏞為大理寺左少卿仍  
支正三品俸時鏞親喪服闋至京少保吏部尚書  
東閣大學士王文薦其才能幹濟決獄詳明故有

是命大梁顏衛達子哈刺出未歸命為頭目隸南  
京錦衣衛給賜如例 戶部奏太常寺預辦明年  
大祀支用黃蠟四千餘斤供用庫以支盡為言例  
分派民間買用奉旨不欲勞民令別為區畫請以  
各處解到折糧銀易之詔發在京并通州倉米務  
依時直兩平易換庶官得蠟用民得米食 戶部  
奏大梁等處與山中樂平年餘災田畝耕  
直隸無所收者亦有大水前年所積穀石  
餘宗在邊界海運所積穀石亦在邊界  
大明英宗睿皇帝實錄

大明英宗睿皇帝

廢帝邠戾王附錄

景泰六年十二月壬寅朔

太上皇帝居南宮

帝者郊祀牲 祗王徽燦奏先父莊王洪武中之  
雲南及永樂中召還其所賜樂工部伎遂隸教坊  
臣今奉藩武岡元拜表迎詔時節慶賀之禮音樂  
未具乞賜頒給不允

甲辰

陸守備靖虜衛都指揮僉事房貴為署都指揮使

掌陝西都司事從鎮守右副都御史耿九疇奏請  
也給天城陽和等四衛官軍馬一千匹

乙巳

賜韓王徵針庶長子名曰偕湯鎮國將軍公鏞次

子曰誠灝

命故弗提衛指揮僉事常不子住兒出兀列河衛指  
揮僉事打必納子法麻哈忽失木子吞出撒力衛  
指揮僉事果郎哈子阿松哈資河衛指揮僉事察  
班子若丁格也里石子白令哥阿里帖木子木化  
連甫門河衛指揮僉事桑果奴子阿哈忽兒海衛

指揮僉事哈納子兀察哈俱謀賊南京刑部左

侍郎鄭泰自陳歷仕年久幸無過舉乞遷調一職

以圖報稱事下吏部言允堂上官遷調俱出特恩  
可非于求泰所言難允

帝是之貴州副總兵都指揮僉事李貴等奏平越  
等處黎從等寨賊首阿罕王阿榜苗令虎等偽稱  
苗王造妖言惑衆收劫諸處寨堡實與湖廣銅彭  
等處賊勢相倚乞調雲南四川原征漢達官軍會  
合剿除兵部請勅總兵官南和伯方瑛等並往相  
度二處賊情緩急先後進兵從之

丁未歲

陞陝西按察司僉事韓士琦為副使監察御史沈

義為浙江按察司副使羅澄為雲南按察司僉事

張紳為陝西按察司僉事

戊申歲

給大同備邊旗軍馬五百匹 日生左右珥色赤

鮮明

臘節賜文武百官宴 擢監生張銘為南京戶部

廣東司主事銘參贊機務南京兵部尚書經子也

銘將選送陳情乞恩除南京相應官庶父子朝夕

相親共圖補報吏部具以言故有是命

命故遼東都指揮同知費鼎子英讓為瀋陽中衛指

揮使

命停徵四川烏撒等衛今年子粒二千六百七石俟

下年成熟陸續徵納以屯田被災故也

生暈蒼白色

唐戎 擢進士劉溥為刑部廣東司主事

命故羽林前衛指揮使安敬子湧金吾右衛指揮使

宋壯弟友俱襲職金吾左衛指揮同知劉崇子鎮  
居旺子能指揮僉事馮敬子讓武驥右衛指揮僉  
事李興子欽俱代職以崇等老疾故也 巡撫湖  
廣工部尚書王永壽奏賊首蒙能率衆攻龍里城  
官軍擊却之尋分遣賊衆攻破亮寨司摘等屯寨  
遂破銅鼓所及羅圍堡又為攻城梯聲言欲破龍  
里城捷為巢穴都指揮江迪率兵策應官軍六百  
餘俱為所斃况湖廣軍旅數興水旱相仍軍民<sup>極</sup>  
為疲困乞簡命文職大臣一員來與臣協同濟理  
事下兵部少保兼尚書于謙右侍郎王偉各請行

詔待總兵官方瑛到日奏來區處

辛亥

建州等衛女直指揮項哈兀者等衛野人女直賽  
不克等廣東崖州滕橋土官巡檢黃芳雲南石甸  
土官巡檢李俊等貢馬及方物賜綵幣等物 遣  
廣寧伯劉安襄城伯李瑾修武伯沈煜為正侯給  
事中樊冕王鉉何陞為副使各持節冊封楚府宗  
陽莊信王庶長子鎮國將軍均鐵為崇陽王百戶  
尹徵女為秦府永興王公銘妃兵馬副指揮牛青  
女為代府博野王成鎮妃



壬子

戶部奏貴州黎平府龍里蠻夷長官司因苗賊攻  
破城寨燒劫倉糧人民流散今招撫漸回人力罷  
弊所負景泰四年至今年秋糧二百六十九石有  
餘宜移文巡撫左副都御史蔣淋覆實停免流移  
者亦令招撫復業若雖被賊圍不曾搶劫者令如  
數納從之提督遼東軍務右副都御史寇琛遵勅  
旨令廣寧等衛千百戶曹瓚等凡三十員俱罷職  
代職

癸丑

南京

太廟內失珠冠諸物詔盜者自首免罪不首者籍沒  
有能告所盜者陞賞之守備天城奉御胡順奏  
都指揮王金結所部之號九龍十虎者設謀反全  
亦奏順多役軍士酷刑下巡按直隸監察御史賈  
略覆之順所奏俱無狀全所奏亦無証都察院謂  
順全俱挾私相訐宜正以罪更擇官代其守備詔  
曰茲正備冬之際姑宥之夜有流星大如椀色  
赤有光出天紀西北行至太尊星尾跡炸散二  
星隨之

甲寅

以是冬無雪令百官致齋三日分遣大臣以香帛

禱於上帝

天地

社稷

山川及諸宮觀寺廟

命故讓封衍聖公孔<sup>諱</sup>縉孫弘緒讓封勅之曰朕惟

自古聖帝明王之道覆冒天下然但行之於當時

若夫明之使為法於天下後世如布帛菽粟不可

一日而無者則惟先師孔子肆歷代帝王至於我

祖宗尊崇之典靡不至焉爾祖彥縉以先師嫡嗣蚤

承封爵朕方優於禮待詎意濫先朝露肆特命爾

讓爵以奉先師視事爾尚欽承祖德修身謹行以

孝為先力學親賢以詩禮為本和敬以睦族姻仁

厚以處鄉黨毋驕毋傲惟徐惟良庶無忝以害親

且有光於朕命擢進士江彤張璠為給事中復

命左僉都御史徐有貞巡視沙灣

乙卯

巡按山西監察御史王鑑奏都指揮王信誘取故

長沙知府趙勉妾盡沒其貲且淫勉養女命執問

之...  
丙辰  
給博野王成鎮歲祿二千石米鈔中半兼支

丁巳

命故阿速江衛指揮使奚木黑子弗亦馬撒兒忽衛  
指揮同知必籠哈子額升格朶兒必河衛指揮同  
知宛者不花子額赤不花嘉河衛指揮僉事者令  
加子你察兀俱襲職

戊午

免徵沿河濟寧等十三州縣修河民所負官馬

并雜科役以左僉都御史徐有貞奏力從方勤不  
宜併取故也 巡按直隸監察御史賈恪奏提督

宣府軍務右僉都御史李秉與總兵官過與不協  
秉亦奏恪縱激不率憲度下兵部集文武廷臣議  
以為秉所為多其戒分不為過而秉言恪諸不法  
事亦未驗故為宜選給事中一員往廉其實從之

辛酉

都察院左僉都御史徐有貞奏臣比以公務往山  
東兗州府鄒縣蓋顏孟二氏子孫世居之地聞前  
元時嘗撥贍廟祭田六十頃二氏分種以供梁盛

兼以養贍族人國初以來因之不革其後子孫微  
弱不能守被人侵占雖嘗訟於官而未能追理退  
還以致無田供祭即今蒙恩賜官者日用粗給其  
舉族之衆未免飢寒切惟顏氏之德孟子之功宗  
傳先聖垂裕後來萬世人君所共尊禮故雖胡元  
之君亦知崇尚而撥田贍廟矧向來言訖豈不志  
聖朝惇典庸禮之盛乎  
皇上崇儒重道之至而忍使其祭田不供子孫失所  
平臣又伏見 此其直轄縣祭田之官計委罪  
皇上親行視學特召孔顏孟三氏子孫陪從所授顏

孟二氏子孫以近侍儒官其優待之恩有隆無替誠  
超軼前代之君矣茲其祭田之缺子孫之苦有司  
不為分理使者不以  
上聞非惟有負先聖之教抑且有負  
皇上之意豈不與聖世缺典儒道無人之咲哉乞勅  
該部移文山東督令有司將原給田履畝覆視免  
其徵租退還二氏並從嗣授官掌其歲入贍廟供  
祭之外賑給族氏此外或供贍不敷或乏力墾種  
更乞以附近廢棄之地量蓋數項仍如孔廟例撥  
佃戶助種尤見特恩

帝悉從其言命追給贍廟田外各益田二十頃佃戶  
十家  
壬戌  
立春順天府官進春  
帝御奉天門殿受賀賜文武百官宴田賦  
癸亥  
賜隰川王長子名曰仕遂  
上巡按直隸監察御史  
楊貢奏十一月十二日蘇州府地震因甚勅今年  
蘇州地兩震皆已不能激揚撫恤所致詔曰災異  
豈責在一人其督所部官吏撫恤軍民無令失所

甲子

命故遼東都指揮使宋真子環襲為定遼中衛指揮  
使故雙城衛指揮同知脫省哥子捨勒渚冬河衛  
指揮同知長家子伴哥俱襲職  
賜襲封衍聖公  
孔弘緒三軸誥命并贈其父承慶為衍聖公封母  
王氏為夫人  
給寧府新金縣王并儀賓張晉萍  
鄉縣王并儀賓張傲歲祿各六百石內未四百石  
鈔折二百石  
乙丑  
命故海西友帖衛指揮僉事若女子阿星尹納襲職

命歸毛憐等衛女直金犯奴等三人為頭目隸南  
京錦衣衛木答忽等三人充湖廣軍以嘗犯邊故  
也 華廣東樂昌縣河泊所以事簡課少故也  
免薊州永平山海等處軍士償官馬二千九百六  
十餘匹以歲歎人報也

丙寅 湖廣拖南宣撫司遣把事黑甲兀者等衛遣指揮  
司羊加等忽石門等衛指揮亦冲哥喜等樂温河  
等衛遣女直失勤迷等貢馬貂鼠皮等物賜綠幣  
有差 河南按察使何永芳卒永芳浙江常山縣

人由進士任郡陽知縣治政有方選擢監察御史  
處事詳慎歷陞河南按察使至是卒于官

丁卯

命掌建州衛事都督同知李滿任子吉納哈代職故  
兀者衛指揮僉事兀龍哈子劄任考即兀衛指揮  
僉事木答哈子阿都赤河因河衛指揮僉事台不  
花子速木哈乃塔子兀的格益實衛指揮僉事一  
僧哥子答魯達塔兒河衛指揮僉事失刺哈子何  
吉沙阿路禿子帖木俱襲職 桃通濟河典岸沙  
灘及築東岸缺隄 順天府宛平縣知縣王紀言

歲歛民饑宜為重拯卹請裁減天財庫檢鈔人夫  
九門收鈔舖戶酒醋麪局酒戶停中帽局坐買皮  
張并歲辦雜皮翎毛蠲抽分煤炸長生牛羊等物  
減土民代種田地芻糧  
帝悉從其言命所司行之

戊辰

命錦衣衛指揮同知畢旺子永代職吉陞屠宗順為  
副千戶屠芝為百戶仍於御用監辦事二人專獻  
寶石以規利者也  
原顏等衛都指揮原顏千等  
遣指揮哈剌把瓦兒奏事至賜綵幣等物

己巳

免應天府七州縣留守左衛并直隸寧州興州中  
屯等三十五衛今年秋糧子粒共二萬三千九百  
九十三石草九萬九千一百六十九束直隸廬州  
府和州滁州廬州邳州六安滁州儀真壽州等衛  
今年秋糧子粒七萬一千九百一十八石草一十  
萬一千八百四十八包直隸蘇州諸府太倉諸  
衛今年秋糧子粒一百四十五萬三千五百五十  
八石有奇草五十七萬三千三百九十包山東濟  
南兗州青州東昌等府武定信陽等三十八州縣

今年夏稅<sup>麥</sup>二十四萬二千五百八石有奇俱以  
被災故也

庚午年歲暮

帝享

太廟以明日正旦遣官祭

長陵

獻陵

景陵遣太常寺官祭五祀之神遣旗手衛官祭

旗蠡之神貴州左布政使易節卒鄱江西萬載

縣人以進士任行人陞禮部祠祭員外郎宣德乙

卯擢四川成都府知府有善政尋陞今官頗著聲  
績九載卒于官喪夷思之獨在禮部時當使安南  
因與同使者爭金於道貽哂外國云是歲天下

戶口九百四十萬五千三百九十口五千三百八十  
萬七千四百七十丁田地四百二十六萬七千三  
百三十九頃田賦米<sup>麥</sup>二千六百八十五萬三千九  
百二十一石絹一十九萬二千八百四十七疋絲  
六萬四千一百四十八斤綿一十八萬六千一百  
八十九斤布四十萬六千九百二十四疋綿花一  
十九萬一千一百七十五斤折新色鈔七萬九千



四百三十四錠有奇雜課鈔九百九十萬五千三百二十四錠有奇米麥五萬八千五百一石鐵七萬四千五百八十三斤有奇布一千八十七疋鹽課鹽二百七十六萬六千六百五十一引折色鈔一千八百一十一萬三千五十九錠有奇米四十八萬二千七百石布七百八十六疋茶課茶五十五萬三千七百五十一斤折色鈔一十八萬九千四百七十四貫屯田子粒二百七十七萬九千二百四十一石有奇採納銀七千九百八十二兩有奇水銀九百四十四斤硃砂一百

六十二斤石綠二百五十五斤雄黃三十斤有奇漕運北京備運過糧四百三十八萬四千石各處運納糧二百二十二萬四千四十六石減免天下官田等項稅糧計米麥一百七十六萬一千八百六十五石有奇

六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----



卷之三